



**I**Oannes ille, Schadlandius dictus, in Frisia natus & educatus est. Is amore literarum Dominicanorum ordinem ingressus, uigilanti studio Philosophiæ & Theologiæ incubuit. Itaque cum felicissimo ingenio esset præditus, breui in uirum doctissimum euasit, ita ut Coloniae Theologiæ Doctor publicè crearetur. Cum postea sedes Hildesheimensis uacaret, pontificis opera tricesimus septimus eius loci præsul electus fuit. Itaque eò se conferens ab omnib. magna reuerentia exceptus fuit. Cum autem ipse ad literas natus esset, petijt ab aulicis ut in episcoporum Bibliothecam introduceretur, quo suas horas bene collocare posset. Ibi illi

eum in instructissimum armarium duxerunt, atque armis & lanceis ostensis, dixerunt: Hos esse suorum episcoporum libros. Nam Brunswicenses princi-